

Opći uvjeti oglašavanja

Tehnička rješenja i sadržaj

Sva tehnička i dizajnerska rješenja primijenjena u obavljanju poslova oglašavanja na portalima Sarajevo-x.com, Market.ba i Blogger.ba, osim onih primljenih od naručitelja oglasa, vlasništvo su InterSoft d.o.o.

Odgovornost za sadržaj i istinitost podataka koje ponudi i učini dostupnima na internetu putem oglasa, snosi naručitelj.

Naručitelj oglasa garantuje da su svi dostavljeni oglasni materijali njegovo vlasništvo, ili da ih ima pravo koristiti u oglasne svrhe.

InterSoft d.o.o. nije odgovoran za tačnost, istinitost i/ili ažurnost sadržaja i/ili informacija koji se objavljuju na oglasnim materijalima.

Oglasni prostor

Zakupljeni oglasni prostor nije moguće ustupiti na korištenje trećim osobama, osim ukoliko stranke ne dogovore drugačije.

Naručitelj oglasa garantuje da na svoje oglasne materijale neće postavljati oznake, logotipe, reklame ili promotivne materijale trećih osoba, osim ako se stranke ne dogovore drugačije.

Dimenzije i pozicije banneri, kao i načini oglašavanja su utvrđeni cjenovnikom.

Popusti na oglašavanje

Količinski popusti i avansni popust su utvrđeni cjenovnikom.

Marketinške agencije ostvaruju 15% agencijskog popusta.

Zavisno od iznosa budžeta, načina plaćanja, broja klijenata i dugoročne saradnje, dodatni agencijski popusti za oglasni prostor koji agencije zakupljuju neposredno za vlastite klijente mogu se dogovarati direktno sa menadžmentom InterSofta.

Agencija, koja zakupljuje oglasni prostor na portalima u vlasništvu InterSofta, svoj agencijski popust i druge popuste ima pravo prenijeti vlastitom klijentu – kranjem korisniku, ali nema pravo taj popust prenijeti drugoj agenciji.

Agencija za oglašavanje mora biti uredno registrirana za obavljanje djelatnosti marketinga, te ispunjavati tehničke i kadrovske uvjete za vrsno obavljanje poslova za račun oglašivača na stranicama InterSofta.

Objava oglasa

InterSoft d.o.o. zadržava pravo neobjavljivanja oglasa u slučaju da oglas ne zadovoljava tehničke specifikacije.

InterSoft d.o.o. ima pravo odbiti ili obustaviti prikazivanje oglasnog materijala ukoliko smatra da je sadržaj materijala i/ili sadržaj oglašavane web-stranice neprimjeren ili protuzakonit.

InterSoft d.o.o. ima pravo obustaviti prikazivanje bilo koje oglasne kampanje koju smatra neprihvatljivom.

Reklamacije

Reklamacije na objavljeni oglas prihvaćaju se isključivo u pisanom obliku (obična pošta, faks, e-mail), i to najkasnije u roku od tri dana od dana objave oglasa.

U slučaju da je za reklamaciju odgovoran InterSoft d.o.o., oglašivaču će se odobriti ponovna objava istovjetnog oglasa bez dodatne naknade.

Ukoliko je pogreška nastala zbog objektivnih ograničenja u prirodi medija, ili zbog pogrešne pripreme samog oglasa od strane naručitelja, reklamacija se neće uvažiti.

Plaćanje

Rok plaćanja iznosi sedam dana od završetka kampanje. Oglašivač se obavezuje platiti uslugu po ispostavljenom računu do dana dospijeca. U slučaju kašnjenja oglašivač je dužan platiti zakonske zatezne kamate.

Cijene oglasnog prostora za političke stranke uvećavaju se za 50%, a političke stranke dužne su plaćanje usluge oglašavanja izvršiti prije početka same kampanje.

Opći uvjeti korištenja stupaju na snagu danom njihove objave na web-stranicama InterSoft d.o.o. ili na koji drugi za to prikladan način.